

Forum wo zastaranju staršich ludži so wotměł Swójbna politika wopačna

Smječkecy (aha/SN). Demografiske wuwice Hornjeje Łužicy steješe w srjedźišću diskusijnego foruma wčera w Smječkečanskim Domje swj. Jana. Něhdže 30 zajimcow móžeše zapósłanc Sakskeho krajneho sejma Alojs Mikławšk (CDU) witać. Jeho přewodžeštej statna sekretarka w sakskim socialnym ministerstwe Andrea Fischer a dr. Judith Oexle, nawodnica tamnišeho referata za hladanje staršich ludži. Z wjele ličbami skedźbni dr. Oexle na demografiske wuwice předešlým w Budyskim wokrjesu a na rosčace wužadanja při ambulatnym a stacionarnym hladanju w přichodnych třoch lětdžesatkach. Zhladuju do přichoda mjenowaše wona alternatiwne hladanske móžnosće kaž wutworjenje towarstw seniorow. Při tym měli so wobstejace hladanske struktury dale wužiwać a rozšěrić.

Dr. Beno Wałda namjeto waše zawjesć socialne lěto za młodostnych powukublanju, štož měješe statna sekretarka drje za spomóžne, tola jako předpis njeměješe to za prawe. Silwija Brojerowa pokaza na to, „zo žada sej hladanje starych a zbrašenych wysoku kwalifikaciju“ a zo so tele powołanje prawje njehódnoći. Nawoda Domu swj. Jana Tadej Šiman wuzběhny trěb-

nu intaktnu socialnu strukturu z pěstowarnjami a šulemi, mjeztym zo narěča Gerat Wałda palacy problem: „Diskutujemy wo změnach w hladanju a přewidźimy wopačnu swójbnu politiku w našim kraju. Za intaktnu swójbnu politiku tworić hinaše wuměnjenja.“ Andrea Fischer tomu přihłosowaše, prajo, zo je zdžěla hižo přepozdže, hdyž zhladuješ na wulku ličbu samostejacych maćerjow abo na wjele disharmoniskich swójbow.

Do zarjadowanja w Smječkecach pobychu politikarjo w lékarskej praksy Gerda Jahnyja w Ralbicach, hdžež rozmołwjachu so z nim a ze zubnym lékarjom dr. Benom Wałdu kaž tež z fyzioterapeutku Borboru Bulankowej wo lékarskim zastaranju na wsy.



Andrea Fischer a Alojs Mikławšk pobyštaj wčera w praksy lékarja Gerda Jahnyja (wotlěwa). Foto:aha